

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

যুক্তরাষ্ট্র সরকার অর্থায়িত ঘূর্ণিঝড় আশ্রয়কেন্দ্র নির্মাণ প্রকল্পের কাজ চলছে

ঢাকা, ৯ই মার্চ -- যুক্তরাষ্ট্র সরকারের অর্থায়নে ঘূর্ণিঝড় সিডর আক্রান্ত খুলনা বিভাগে নয়টি নতুন বহুমুখী ঘূর্ণিঝড় আশ্রয়কেন্দ্রের উদ্বোধনী কাজ এ সপ্তাহেই শুরু হতে যাচ্ছে। এসব আশ্রয়কেন্দ্র হচ্ছে বাগেরহাট জেলার খলিশাখালী, সুলতাপুর, নোনা ডোঙা, মহিষচারনী, বেতখাশী, শাখারিয়াতোরো শহিদ স্মৃতি, পশ্চিম মল্লিকেরবার, শ্রীফলতলা দক্ষিণপাড়া এবং বাইকোতমারি প্রাথমিক বিদ্যালয়।

এই নয়টি আশ্রয়কেন্দ্র যুক্তরাষ্ট্র সরকারের অর্থায়নে যুক্তরাষ্ট্র প্যাসিফিক কমান্ডের মাধ্যমে নির্মিতব্য ২৪টি বহুমুখী ঘূর্ণিঝড় আশ্রয়কেন্দ্রের অন্তর্ভুক্ত। জরুরী প্রয়োজনের সময় ছাড়া এই বহুমুখী বিদ্যালয়গুলো প্রাত্যহিক বিদ্যালয় হিসেবেই ব্যবহৃত হবে। এই নয়টি আশ্রয়কেন্দ্রসহ ঘূর্ণিঝড় সিডর আক্রান্ত খুলনা ও বরিশালে মোট ১৩টি বহুমুখী ঘূর্ণিঝড় আশ্রয়কেন্দ্রের নির্মাণকাজ চলছে। এসব মানবিক সহায়তা প্রকল্পগুলো ২০০৮ সালে যুক্তরাষ্ট্র এবং বাংলাদেশ সরকারের মধ্যে স্বাক্ষরিত ৪৩ লাখ ডলার ব্যয়ে বহুমুখী ঘূর্ণিঝড় আশ্রয়কেন্দ্র এবং সেতু নির্মাণকাজের জন্য করা চুক্তির আওতাধীন।

বাংলাদেশ সরকার ও এর জনগণকে সহায়তার জন্য যুক্তরাষ্ট্র সরকার অঙ্গীকারাবদ্ধ। বাংলাদেশের জনগণের উদ্দেশ্যে যুক্তরাষ্ট্র সরকারের সহজ বক্তব্য হচ্ছে: আমরা ঘূর্ণিঝড়ের আগে এখানে ছিলাম, প্রাথমিক জরুরী ত্বাণ পর্যায়ে এখানে ছিলাম এবং বাংলাদেশকে সামনে এগিয়ে যেতে সহায়তা করতেও আমরা এখানে থাকবো। বাংলাদেশের স্বাধীনতার পর থেকে উন্নয়ন সহায়তা হিসেবে যুক্তরাষ্ট্র সরকার ইউএসএআইডি'র মাধ্যমে তিন কোটি ডলারেরও বেশি প্রদান করেছে। ঘূর্ণিঝড় সিডের অব্যবহিত পর যুক্তরাষ্ট্র সরকার ইউএসএআইডি'র মাধ্যমে তিন কোটি ডলার জরুরী ত্বাণ সহায়তা হিসেবে এবং ৬৫ লাখ ডলার ত্বাণ-বহির্ভূত জরুরী ত্বাণ কর্মসূচির জন্য বাংলাদেশকে প্রদান করে। এছাড়া জরুরী ত্বাণ, পুনর্বাসন এবং দরিদ্র ও ঝুঁকিপূর্ণ ঘূর্ণিঝড় সিডের আক্রান্ত এলাকাসমূহে (গ্রাম ও চরসহ) টেকসই উন্নয়নের জন্য যুক্তরাষ্ট্র আরো সাড়ে সাত কোটি ডলার ঘূর্ণিঝড় সহায়তা হিসেবে প্রদান করছে। এই অব্যাহত সহায়তা বাংলাদেশের সবচেয়ে ঝুঁকিপূর্ণ নাগরিকদের উজ্জ্বলতর ভবিষ্যৎ নির্মাণে সাহায্য করতে যুক্তরাষ্ট্রের অঙ্গীকারের প্রতিফলন।

=====

জিআর/২০০৯

দ্রষ্টব্য: এই সংবাদ বিজ্ঞপ্তির ইংরেজি ভাষ্য 'আমেরিকান সেন্টার'-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে 'আমেরিকান সেন্টার'-এর প্রেস সেকশনে (টেলিফোন: ৮৮০৩৭১৫০-৮, ফ্যাক্স: ৯৮৮-৫৬৮৮; ই- মেইল:

DhakaPA@state.gov এবং ওয়েবসাইট: dhaka.usembassy.gov) যোগাযোগ করুন।